

Hned zkraja po drugi klasie przez feryje w miejskim lesie
Eszcze jako smrodzi mali z kurzynim my zaczinali
Polygali my za strómki, co kurzimy? Partyzanki
Tonda bedziesz dzisio stróż, jak kdo pujdzie, tak wrzeszcz UŽ!”

Zapolóne mómy wajgle
Sóm my chłopi, bo kurzimy
Wdechujemy smród na pajśle
Dusimy se a krzipiymy
Lipy, Astry, Partyzanki
Marice i Olympie
Startki, Marski i Pall-Mallki
Eszcze wiynkszi szef kdo pije

Wiluś modry, jo zielóny
Zbysio skoro fialowy
Nacióngo nas, oczí łzawióm
Každy je wszak hónorowy
Nad strómkami wisi kurz
Chybidziura wlóz do lasa
Nie zawrzeszczo! Tonda UŽ!
Nachyto! nas skrz mamlasa

To je dziepro romantyka
Jak po zadku skocze kryka
Mamo, tato przisiyngómy,
Že už kurzić nie bedymy
Žodne Detwy, Sparty, Cleje
Betki, Čardy i Astorki
Nie chcym íść na stare roki
Umiyrać do sanatorki